



## Møtebok, Ryfylke vassområdeutval

**Tid: 24.04.19 kl. 10.00-13.00**

**Sted: Fylkeshuset i Stavanger**

### Saker

- Sak 4/19: Godkjenning av møteinnkalling
- Sak 5/19: Årsrapport 2018 for Ryfylke vassområde
- Sak 6/19: Arbeidsplan 2019
- Sak 7/19: Regionalplan for vannforvaltning i vannregion Rogaland 2022-2027 – høyring av forslag til planprogram og hovudutfordringar
- Sak 8/19: Orienteringssaker
- Sak 9/19: Neste møte i vassområdeutvalet
- Sak 10/19: Eventuelt

### Til stades/ikkje til stades:

<b>Vassområdeutvalet:</b>		
Finnøy kommune	Henrik Halleland	-
Forsand kommune	Bjarte Sveinsvoll Dagestad	Meldt forfall
Gjesdal kommune	Harald Bernt Dirdal	-
Hjelmeland kommune	Bjørn Laugaland	Meldt forfall
Kvitsøy kommune	Jon Kristian Sande	X
Rennesøy kommune	Eva Jakobsson (nestleiar)	Meldt forfall
	Dagny Sunnanå Hausken (vara)	X
Sauda kommune	Geir Bjarne Tveit	-
Strand kommune	Karl Stokka	-
Suldal kommune	Magne Langeland	X
Odda kommune	Nils Petter Rabbe	-
Rogaland fylkeskommune	Lin-Veronica Jacobsen (leiar)	X
Rogaland fylkeskommune	Trine Danielsen	Meldt forfall
<b>Andre:</b>		
Ryfylke vassområde, adm.	Jarle Lunde	X
Fylkesmannen i Rogaland	Ørjan Simonsen	X
Rogaland fylkeskommune, adm.	Steinar Eldøy	X

## Sak 4/19: Godkjenning av møteinnkalling

### Framlegg til vedtak

Ryfylke vassområdeutval godkjenner innkallinga til møtet.

### Behandling

Ingen merknad til innkalling. Det blei likevel bemerkta skuffelse over deltaking frå kommunale representantar. Møte var først satt opp i februar, men blei då avlyst pga stort forfall (dels sykdom). Det er viktig å melde forfall tidleg, slik at ein har moglegheit til å kalla inn varamedlem.

### **Vedtak**

Ryfylke vassområdeutval godkjenner innkallinga til møtet i utvalet med merknad om skuffelse over deltaking.

## Sak 5/19: Årsrapport 2018 for Ryfylke vassområde

### Framlegg til vedtak

Ryfylke vassområdeutval godkjenner «Årsrapport 2018» slik den er framlagt.

Vassområdet sine restmidlar, 137 025,- kan disponerast av vasskoordinator i samarbeid med arbeidsgruppa, og skal «brukes til tiltak eller kartlegging (kunnskapsforbedring), som er prioritert i regionalplan og regionalt tiltaksprogram for vannforvaltning 2016-2021.»

### Behandling

Forslag til årsrapport blei gjennomgått.

Det blei poengtert at det er viktig at å følge opp Klosterpågen på Rennesøy (moderat tilstand). Her er det sterke brukarinteresser og ein må samarbeide for å finne gode løysingar i forhold til vasskvalitet, friluftsliv og kulturminneinteresser. Det er og viktig at vassarbeidet i Rennesøy og Finnøy kommunar tidleg blir administrativt forankra i nye Stavanger kommune.

Sjølv om dette ikkje kjem fram av årsmeldinga har det generelt vore relativt låg oppslutning på møta i vassområdeutvalet. Ein må sjå på organisering med bakgrunn i generelt skuffande oppmøte.

Vasskoordinator tek dette til etterretning. Evaluering av organisering/arbeidet i vassområde blir tema på neste møte.

### **Vedtak**

Ryfylke vassområdeutval godkjenner «Årsrapport 2018» slik den er framlagt.

Vassområdet sine restmidlar, 137 025,- kan disponerast av vasskoordinator i samarbeid med arbeidsgruppa, og skal «brukes til tiltak eller kartlegging (kunnskapsforbedring), som er prioritert i

## Sak 6/19: Arbeidsplan 2019

### Framlegg til vedtak

Ryfylke vassområdeutval godkjenner «Arbeidsplan for Ryfylke vassområde 2019» slik den er framlagt.

### Behandling

Forslag til arbeidsplan blei gjennomgått. Det kom forslag om at høyringar angående rullering av Regionalplan for vassforvaltning, inkludert planprogram, bør vere sak til politisk behandling i kommunane, ikkje berre ei meldingssak.

### **Vedtak**

Ryfylke vassområdeutval godkjenner «Arbeidsplan for Ryfylke vassområde 2019» slik den er framlagt med følgjande endring:

«Følgje opp vassforvaltingsarbeidet i eigen kommune og sikre politisk forankring for arbeidet i vassområdet. Vurdere å fremme politisk sak for løfte vassarbeidet» blir endra med følgjande:

«Følgje opp vassforvaltingsarbeidet i eigen kommune og sikre politisk forankring for arbeidet i vassområdet. Vurdere å fremme politisk sak for å løfte vassarbeidet. Regionalplan for vassforvaltning, inkludert planprogram, bør vere sak til politisk behandling i kommunane, ikkje berre ei meldingssak.»

## Sak 7/19: Regionalplan for vannforvaltning i vannregion Rogaland 2022-2027 – høyring av forslag til planprogram og hovudutfordringar

### Behandling

Dei to dokumenta, planprogram og hovudutfordringar, blei muntleg presentert av Steinar Eldøy. I tillegg til desse var dokumentet «Hovudutfordringar i Ryfylke vassområde» vedlagt saka.

Det blei i møte lagt fram punktvis forslag til uttale som følgjer spørsmål gitt av fylkeskommunen:

#### Planprogram

1. *Er det tydelig når og hvordan ulike myndigheter skal delta i planleggingen?*  
Planprogrammet viser på ein tilstrekkeleg måte når og korleis dei ulike myndighetene skal delta i planlegginga.
2. *Er det tydelig når og hvordan ulike interessenter kan medvirke i arbeidet fram mot revidert og oppdatert forvaltingsplan og tiltaksprogram?*

Planen gir ein god oversikt korleis ulike sektormyndigheiter og vassområda skal involverast. Det som kjem dårlegare fram er korleis ålmenta, brukarinteresser, grunneigarar og næringsinteresser kan bidra i arbeidet med oppdatering av forvaltningsplanen. Kven skal ein planleggje og samarbeide med for å nå måla? Ein må og få fram kva kanalar ein vil nytte for å få medverknad, t.d. møter, nettsider, synfaringar.

3. *Hvordan bør vi organisere arbeidet i vannregionen etter 1.1.2020?*

Organisering med vasskoordinator i vassområda og er føreslått vidareført. Det er også kome signal frå Miljødirektoratet om at vassforvaltningsarbeidet vil bli prioritert.

Ryfylke vassområdeutval vil gi full støtte til at ein vidarefører ordninga med ein vassområdekoordinator. Samstundes må ein jobbe for at desse stillingane gjerast permanente, ikkje prosjektstillingar som nå. Det er urovekkande at ein pr dags dato (24.april) ikkje har avtale om koordinatorstillingar frå 2020.

I Ryfylke vassområde er vasskoordinatorstillinga i dag 50%. Det bør vere eit mål å auke denne stillingsstorleiken for å styrke arbeidet, dette sjølv om vassområdet er føreslått redusert og at det kommunale spleiselaget dermed blir noko mindre.

4. *Er det behov for å justere grensene for vannområdene?*

Det er viktig at:

- vassområda ikkje er for store, lokal forankring er viktig
- vassområda bør vere så einsarta som mogleg med tanke på påverknad og problemstillingar
- vassområda har ei inndeling som gjer at kommunane så langt det lar seg gjere, unngår å vere med i fleire vassområde

Som foreslått i planprogrammet ser Ryfylke vassområdeutval det som naturleg at vassområdegrensene flyttast med bakgrunn i kommunereforma, og følgjer Stavanger kommune sin nye grense i sjø. Rennesøy og Finnøy kommunar blir dermed del av Jæren vassområde, desse har mange av dei same utfordringane og påverknadane frå intensiv jordbruk og spreidd avløp som på Jæren. Som ein konsekvens av geografien i dette, er det og naturleg at også Kvitsøy kommune blir del av Jæren vassområde.

Grenseendringa er føreslått frå 2022. Ryfylke vassområdeutval meiner det er mest hensiktsmessig om endringa skjer samstundes som kommunereforma trer i kraft, altså frå 2020.

5. *Er det tema eller utredninger som mangler i planprogrammet?*

Ingen merknad

6. *Er det mangler i det foreslåtte programmet for konsekvensutredninger for miljø og samfunn?*

Ingen merknad

7. *Har dere innspill om konkrete tiltak som bør vurderes og utredes, og eventuelle prioriteringer i det vidare planarbeidet?*

Oppretting av "gamle synder" i vatn og vassdrag gir ei rekkje positive effektar som forbetring av biologisk mangfald, klimatilpassing, redusert forureining med meir.

Det er ønskeleg med meir fokus på konkret naturrestaurering, særleg knyt til vandringhinder, kanalisering og røyrlegging av bekkar/elver.

Det bør nemnast at 2021-2030 er FN sitt tiår for restaurering av natur.

Vassområdet ser det som positivt at det i neste planperiode vil bli lagt meir vekt på viktige samfunns- og brukarinteresser i vassforvaltninga, i tillegg til kravet i vassforskrifta om god økologisk og kjemisk vasskvalitet. Som eit resultat av dette vil det m.a. bli meir fokus på viktige tema som badekvalitet, plastforureining og effekten på vasskvaliteten av klimaendringane.

8. *Er det ønskelig med en regional planbestemmelse knyttet til vannforvaltingsplanen (plan- og bygningsloven §8-5)?*

Ingen merknad

9. *Har dere andre kommentarer og innspill?*

I revidert vassforskrift (14.01.2019) er det i §10 teke inn at mindre strenge miljømål skal revurderast ved oppdatering av planen. Dette kunne gjerne vore påpeika i planprogrammet.

#### Hovedutfordringer

10. *Er miljøtilstanden og påvirkningene riktig beskrevet? Finnes det data hos sektormyndigheter eller lokal/erfaringbasert kunnskap som kan bidra til bedre situasjonsbeskrivelse?*

Dokumentet omtalar dei ulike påverknadane i vassregionen og effekten desse har på vassmiljøet på ein informativ måte.

Figurane i dokumentet gjev eit bilde over den samla tilstanden og den totale påverknaden i vassregionen, og gjev ingen opplysningar om den enkelte vassførekomst. Her burde det vore nytta kart som ein formidlingsmetode.

Det bør informerast om at alle kan gå inn på Vann-Nett Portal for å skaffe seg opplysningar om den enkelte vassførekomst. Dette kan gjerne vere ein rammeartikkel («Korleis er miljøtilstanden i «din» vassførekomst»).

Dokumentet burde i større grad tatt føre seg tema ein høyrer om i mediabildet i forhold til vassforvaltning. Nøkkelord som til døme lakselus, hydrogenperoksyd og stillehavsøsters er ikkje nemnt.

Me viser elles til innspel i «Hovudutfordringar i Ryfylke vassområde».

11. *Er det tatt hensyn til alle viktige interesser? Er det viktige brukerinteresser som ikke er beskrevet?*

Ingen merknad

12. Har dere innspill til prioriteringer i det videre planarbeidet?

Ingen merknad

13. Har dere andre kommentarer og innspill?

Ingen merknad

14. Det er utarbeidet hovedutfordringsdokumenter for alle vannområdene i vannregionen. Disse dokumentene inngår også i høringen. De lokale dokumentene går mer i detalj med å beskrive miljøtilstand, påvirkninger, brukerinteresser, tiltaksgjennomføring m.m. Har dere kommentarer til innholdet i dokumentene for vannområdene?

Dokumenta frå vassområda er ikkje vedlagt høyringa og er pr dags dato (24.april) ikkje å finne på nettsida. Dette bør ordnast på vannportalen og/eller fylkeskommunen si nettside som eit strakstiltak. Dokumenta for vassområda burde vore fysiske vedlegg, ikkje berre ei lenke.

Kvart punkt blei gjennomgått. Det var semje om å sende punkta som uttale.

---

### **Vedtak**

Framlagte forslag til punktvis uttale blir sendt til fylkeskommunen som uttale til planprogram og hovudutfordringar.

---

## **Sak 8/19: Orienteringssaker**

### a) Vasskoordinatorstillingane

Fylkeskommunen har sendt brev til vertskommunane der ein ber om møte angående vassområdekoordinatorstillingane. Noverande stillingar er prosjektstillingar som går ut året 2019. Ein ønskjer å drøfte vidareføring av stillingane. I brevet heiter det blant anna: «De oppgavene som er tillagt vannområdekoordinatorstillingene har karakter av permanente oppgaver, og det er derfor nødvendig at kommunane avklarer om de er villige til å gjøre stillingene som vannområdekoordinator om til faste stillinger.»

### **Vedtak**

Saka blei teke til orientering.

### b) Utvaldmedlemmene frå den enkelte kommune

Haugalandet vassområde har gjort følgjande vedtak i møte 31.01.19, sak 4:

«Vannområdeutvalget anser arbeidet med å bedre og sikre vannkvalitet som svært vesentlig. Utvalget ser det som ønskelig at utvalgsmedlemmene fra den enkelte kommune har god politisk forankring. For

*neste kommunestyreperiode 2019 - 2023, ber vannområdeutvalget fylkeskommunen om å henstille til kommunene å oppnevne medlemmer til utvalget fra høyt politisk nivå og minimum blant de faste medlemmene i utvalget som er delegert ansvar for vann, avløp, naturmangfold, forurensning etc. vanligvis teknisk utvalg, plan- og miljøutvalg el.l.*

#### Behandling

Det var einighet om å støtte opp om dette vedtaket.

#### **Vedtak**

Ryfylke vassområdeutval støtter opp om vedtak i Haugaland vassområdeutval, 31.01.19, sak 4.

---

## Sak 9/19: Neste møte i vassområdeutvalet

#### Behandling

Det blei føreslått felles møte med arbeidsgruppa 4.september med følgende innhald. Mulige tema:

- status for rullering av vassforvaltningsplanen (høyringsuttalane)
- status for arbeidet i kommunane
- evt. synfaring
- status for framande arter
- evaluering av arbeidet i Ryfylke vassområde, korleis jobbe i neste periode

#### **Vedtak**

Det sendast ut innkalling til møte i Ryfylke vassområde (Outlook) med utgangspunkt i 4.september. Dato kan bli endra.

## Sak 10/19: Eventuelt

Ingen saker